

Wulf Wagers wunderliche Weltbetrachtung

A paar delikate Froga hätt' i do ...

En dr letzschta Zeit han i mi amol mehr mit de Ondrschied von de Fraua ond de Männer beschäftigt. Do tauchat soviel unbeantwortete Froga auf.

A paar Beispiel:

1.

Wierom sitzt ma auf a Bidet na? Mit em Gsicht oder mit dem Arsch zur Wand? Älle wo i des gfrogt han, hend bloß mit em Kopf gschüttelt. Net amol mein Lieblings-Flaschner hot do a Antwort druf geht. Schreibat Se mir, liebe Leser, wenn Sie's wissat.

2.

Was hend Fraua früher gmacht, wo 's no koine Slipeilaga geba hot? Vor hondert Jahr hot 's jo net amol Ondrhosa geba. Heut



gibt 's jo sogar Slipeilaga für Stringtangas. Sie wissat o: Stringtangas hoißat auf Schwäbisch Ritzaputzer oder „A-Nixle-om-a-Bixle“. Wenn mr des uf d' Mäner übertraga dät, misstat mir jo Tropfafänger an onsern Zäbdäus hänga, wie mr des frieher bei de Sonntagskaffeekanna ghet hot.

Blondina hend jo ganz selta Schamhoor. Weil se die Slipeila-

ge meischt mit dem Klebestroifa noch oba en d' Ondrhos legat.

4.

In de bessere, nuilere Autos geit's Sitzheizunga. Mir Männer brauchat so ebbes net. Bei ons isch des sogar schädlich, denn dui Wärme macht ons zeugungso'fähig. Des isch bestimmt von irgendwelche scheinemanzipte Männerhasserinna erfonda worda, om ons auszurotta. Ond des bloß, weil dia Fraua warme Zwetschga brauchat. Erfindat doch Slipeilaga mit Heizung – a Spirale hend jo scho manche!

Bis näggschd Woch'
Ihr

Wulf Wager